

مجموعہ ابوالضیا

ماسوا شایہ سندن دلی تطہیرہ چالش
پر تو حکمت و عرفان ایلا تنویرہ آتش

علوم و معارف دین بحث ایدر • و ہر ماہ حریف ابتدائیہ اون بشددہ نشر اول نور مجموعہ فنو تدرہ

نومرو ۱۸ - جلد ۲ [فی غرہ جادی الآخرہ سنہ ۱۲۹۸] شخندسی ۲ فروش

مومی قارشیدر پیور. و بعضاً غسلند دنیلان مواد علاوه ابدیور. بو
سبیل تجارنده بولنان مسکه دقت ایتک و معشوشنی خالصندن تقریب ایتک
الزمدر.

مسکک مختصراً خواص و استعمالی

مسک الک قوتلی دافع تعفنذر. بونک رایحه سی الک مردار قوقوری
اورتر. حتی مسک بر بزه باغلانوبده خلایه تعلیق ابدیله جک اولسه
رایحه سنی فوق الغایه نشر ایلر. باشه زیاده جه سورولدیکی حالدده صداع
رأسی و معده بولانمسی موجب اولور. داخلا و برلنکده جان اوی اطلاق
ایلدیکمز معده اوزرنده غایت آغرلغه باعث اولور. فقط جولان دمی
سرعتلندیر.

طبده بعضی آغر خسته لقلرله اختلاط پیدا ایدن عارضات عصبیه
مداوات ایچون استعمال اولنور: مثلاً صرعه ده و نسوانده اختناق رحم
و چو جو قورده حواله دنیلان عصبی علتلرده و بوقلبیلدن امراض و خیمده
حب و سفوف و مایع حالنده و بریلور.

والخاصل مسکک (طوآلت) یعنی تطهر و ترشیدن زیاده محل
استعمالی امر اضدر.

اخوت اسلامیة

انما المؤمنون اخوة آیه جلیله سی مدلول عالینجه مؤمنلر اصل واحده
یعنی حیات ابدیه بی موجب اولان ایمانه منتسب اولمده لبله صلاح حال و نظام
معاشری ایچون قردادش کبی بربرلینه تعاون و تناصر ایتلری واجبدیر.

ابتدا رسول اللہ (صلی اللہ علیہ وسلم) افندمن (حضرت علی بن کرم اللہ وجہہ) قرداش اتخاذیہ۔ وردی . حتی علی (رضی اللہ عنہ) ایام خلافتندہ کوفہ۔ دہ منبر شریفندہ « بن اللہ تعالیٰ قوی و رسول اللہ حضرت نرینک قرداشیم . » دبردی .

صکرہ جناب ابوبکر رضی اللہ عنہ، حاجہ بن زید بن ابی زہیر الانصاری . ری بنی و جناب عمر بن خطاب رضی اللہ عنہ، عتبان بن مالک الانصاری بنی و جناب عثمان بن عفان، اوس بن ثابت الانصاری بنی کذا قرداش ایتدیلر . و کبار صحابہ (رضی اللہ عنہم اجمعین) دخی بربرلہ بووجہ۔ لہ قرداش اولدیلر .

« المسلمون کالبنیان یشد بعضہ بعضا » حدیث حکمت تحدیثی مقتضا۔ سنجه مسلمانر برینا کی اولوب، بنایی ترکیب و تصویر ایدن جزؤل نصل تحکیم ایدرلر۔ مسلمانر دہ بربرلہ اٹانہ ایدرک، هیئت نجیہ اسلامیتی تقویہ و تشدید ایلرلر .

اخوت اقتضایی و جهت جامعہ اسلامیت ايجایی دنیائک مثلاً شرق جهتندہ بولتان مسلمانر اوزرینہ اعدا هجوم ایدوب، حرب وقوع بولسه و اول جمعیت مسلمہنک مقابله و مدافعه یه اقتداری اولمسه غرب طرفندہ بولتان مسلمانرہ وارنجه مالاً و بدنأ و رأیاً اٹانہ ایلہ لری فرض در . بنأ علیہ دنیاده بولتان کافہ مسلمینک انتظام حال و امر محافظه لری معاونت و مظاهرتیرینہ موقوف اولوب، بو دخی اتحاد اسلام و شوکت اسلامیہنک اعتلاسی ایلہ اوله جغندن، مؤمنلرک مقام خلافت کبرایه ارتباط و انقیاد ایلہ لری واجب و لازمدر .

(زبدہ علم کلام)